



بِسْمِ اللَّهِ الرَّحْمَنِ الرَّحِيمِ

أَحْمَدُ اللَّهُ الَّذِي قَالَ: ”فُوَا أَنْفُسُكُمْ وَأَهْلِيْكُمْ نَارًا“، وَالصَّلَاةُ وَالسَّلَامُ عَلَى مُحَمَّدٍ الَّذِي قَالَ: ”إِنَّمَا النِّسَاءُ شَقَائِقُ الْرِّجَالِ“، وَعَلَى آلِهِ وَصَحْبِهِ وَمَنْ تَبَعَهُمْ بِإِحْسَانٍ إِلَى يَوْمِ الدِّينِ، أَمَّا بَعْدُ

ОИЛАДА ЭР ВА ХОТИННИНГ МАЖБУРИЯТЛАРИ

Мухтарам жамоат! Муқаддас Ислом динимизда эр-хотин ўртасидаги меҳр-муҳаббат давомийлигини таъминлаш учун ўзига хос қонун-қоидалар жорий қилинган. Агар эр ва хотин мазкур қоидаларга амал қилишса, бир-биrlарига нисбатан зиммаларида бурч ва масъулиятларини ҳис қилиб, сидқидилдан адo этишса, бундай оила баҳт ва саодат қасрига айланади.

Эр ва хотиннинг мажбуриятлари ҳақида Куръони карим оятлари ва Расулуллоҳ саллаллоҳу алайҳи васалламнинг ҳадисларида батафсил ёритилган. Мужтаҳид уламоларимиз мазкур оят ва ҳадислардан кўплаб ҳукмларни чиқарғанлар. Ҳамма ҳужжат ва далилларни тўплаб ўрганган уламоларимиз эрнинг хотиндаги ҳақларини қуидагича баён қилганлар.

Эрнинг зиммасидаги баъзи мажбуриятлар:

1. Эр аёлига яхши ва чиройли муомала қилиши. Зеро, Аллоҳ таоло Ўз китобида шундай марҳамат қилган:

وَعَاشُرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى أَنْ تَكْرُهُوا شَيْئًا وَبَجْعَلَ اللَّهُ فِيهِ حَيْرًا كَثِيرًا

яъни: Улар (аёллар) биланtotув турмуш кечирингиз. Агар уларни ёмон кўрсаларингиз, (билиб қўйингки,) балким сизлар ёмон кўрган нарсада Аллоҳ (сизлар учун) кўпгина яхшилик пайдо қилиши мумкин (Нисо сураси, 19-оят).

Бу буйруқ эрнинг хотинга яхши муомалада бўлишини, табиатидаги айrim ноқисликларга сабр қилишни, баъзи хатоларига кўз юмишни тақозо этади.

2. Аёлга маҳр бериш. Аллоҳ таоло Куръони каримда эрларни аёлларининг мазкур ҳақларига риоя қилишга чақириб: ”وَآتُوا النِّسَاءَ صَدْقَاتِهِنَّ نَحْلَةً“ дея амр этган (Нисо сураси, 4-оят). Афсуски, баъзи эрлар зиммаларида шундай вазифа борлигини ҳам билмайдилар.

3. Эр хотиннинг озорини кўтариши, у ғазабланганида ва жаҳли чиққанида мулойим бўлиши, унинг хатоларини кечириши. Бундай қилиш – Расулуллоҳ саллаллоҳу алайҳи васаллам суннатларига амал қилишdir. Бу борада Пайғамбаримиз саллаллоҳу алайҳи васаллам шундай деганлар:

لَا يَفْرُكْ مُؤْمِنٌ مُؤْمِنَةً إِنْ كَرَهَ مِنْهَا حُلُقًا رَضِيَ مِنْهَا آخَرَ (رواه الإمام مسلم).

яъни: “Мўмин эр мўмина хотиндан нафратланмасин, агар унинг бир хулқини ёмон кўрса, бошқа хулқи туфайли ундан рози бўлиб кетаверади” (Имом Муслим ривояти).

Демак, эр хотинининг айрим феълидан ғазабланса, оилани бузишга шошилмаслиги, балки унинг яхши одатларини ҳам кўз олдига келтириб, шу билан кўнглини тўқ қилиб юриши керак экан.

4. Эркак аёlinи қизғаниши, унинг ор-номусини сақлаши. Ҳадиси шарифда Пайғамбаримиз саллаллоҳу алайҳи васаллам шундай дедилар:

ثَلَاثَةٌ لَا يَدْخُلُونَ الْجَنَّةَ أَبْدًا: الَّذِي يُوَلِّ النِّسَاءَ، وَالَّذِي جَحَّدَ النِّسَاءَ، وَمَدْمُنُ الْحُمْرِ قَالُوا: يَا رَسُولَ اللَّهِ! أَمَّا مَدْمُنُ

الْحُمْرِ فَقَدْ عَرَفْنَاهُ، فَمَا الَّذِي يُوَلِّ النِّسَاءَ؟ قَالَ: الَّذِي لَا يُبَالِي مَنْ دَخَلَ عَلَى أَهْلِهِ فُلْنَا: فَمَا الرَّجُلُ مِنَ النِّسَاءِ

قَالَ: أَلَّا تَشَبَّهَ بِالرِّجَالِ (رواه الإمام الطبراني والإمام البيهقي).

яъни: “Уч тоифа киши асло жсаннатга кирмайди: даюс, эркаксифат аёл ва хамр ичишга муккасидан кетган киши”, – дедилар. “Эй Аллоҳнинг Расули, хамр ичишга муккасидан кетганни биламиз. “Даюс” нима дегани?” дейишиди. У зот: “Аҳли ҳузурига ким кираётганига парво қилмайдиган одам”, – дедилар. Биз: “Эркаксифат аёл ким?” – дедик. У зот: “Ўзини эркакларга ўхшатадиган аёл”, дедилар” (Имом Табароний ва Имом Байҳақий ривоятлари).

Исломда rashk ана шу даражада юксак баҳоланиши билан бир қаторда, бу борада ҳаддан ошиш, чегарадан чиқиш қораланади. Ўз ўрнида ва меъёрида бўлган rashk эркакда бўлсин, аёлда бўлсин, мақталган ва гўзал турмуш тақозо этган хислатлардандир. Ҳар икки томон ҳам умр йўлдошининг меъёрдаги rashkinи қадрлаши лозим.

5. Эр хотинини уй-жой билан таъминлаши. Бу ҳақда Аллоҳ таоло Қуръони каримда шундай марҳамат қилган:

أَسْكِنُوهُنَّ مِنْ حَيْثُ سَكَنْتُمْ مِنْ وُجْدِكُمْ

яъни: “Уларга (талоқ иддасини сақлаётган хотинларингизга) ўзларингиз маскан тутган жойдан тоқатингизга қараб жой берингиз...” (Талоқ сураси, 6- оят).

6. Эр хотинининг озиқ-овқат ва кийим-бош каби нафақасини таъминлаши. Нафақанинг миқдори эрнинг иқтисодий ҳолидан келиб чиқиб белгиланади. Аллоҳ таоло бу ҳақда шундай деган:

لَيُنْفِقُ ذُو سَعْةٍ مِنْ سَعْتِهِ وَمَنْ قُدْرَ عَلَيْهِ رِزْقُهُ فَلِيُنْفِقْ مِمَّا أَنَّاهُ اللَّهُ

яъни: “Бой киши ўз бойлигидан нафақа берсин. Кимнинг ризқи танг қилинган (камбағал) бўлса, у ҳолда, Аллоҳ унга ато этган нарсадан (ҳолига яраша) нафақа берсин!...” (Талоқ сураси, 7-оят).

Мазкур нафақа миннат ва таънасиз бўлиши керак. Чунки нафақа бериш, эркакнинг хотинига қилган марҳамати эмас! Балки, Аллоҳ таоло эрнинг зиммасига фарз қилган амални бажаришдир! Динимизда эр оиласига сарфлаган харжлари учун ажр ва савобга эришади. Бу ҳақда Пайғамбаримиз саллаллоҳу алайҳи васаллам шундай дедилар:

إِنَّكَ لَنْ تُنْفِقَ نَفْقَةً تَبْغِي بِهَا وَجْهَ اللَّهِ إِلَّا أُجِرْتَ عَلَيْهَا حَتَّىٰ مَا تَجْعَلُ فِي فِيمِ امْرَأَتِكَ (متفق عليه)

яъни: “Сиз Аллоҳ таоло розилигини истаб қилган ҳар қандай сарф харажатингиз учун ажр оласиз. Ҳатто хотинингиз оғзига солган таомингиз учун ҳам сизга ажр бор” (Имом Бухорий ва Имом Муслим ривоятлари). Нафақа масаласида эр ўзининг иқтисодий ҳолидан келиб чиқиб иш кўради. Хотиннинг битмас-туганмас талаб ва хошишлари учун эр ўзини ўтга-чўқقا уриб, ношаръий ва ноқонуний йўллар билан пул топиши дуруст эмас.

7. Аёлига зарурий шаръий масалаларни ўргатиши. Бу ҳақда Аллоҳ таоло Қуръони каримда шундай марҳамат қилган:

يَا أَيُّهَا الَّذِينَ آمَنُوا قُوْا أَنفُسَكُمْ وَأَهْلِيْكُمْ نَارًا وَقُوْدُهَا النَّاسُ وَالْجَارَةُ عَلَيْهَا مَلَائِكَةُ غِلَاظٌ شَدَادٌ لَا

يَعْصُوْنَ اللَّهَ مَا أَمْرَهُمْ وَيَنْعَلُوْنَ مَا يُؤْمِرُوْنَ

яъни: “Эй, имон келтирганлар! Ўзларингизни ва оила аъзоларингизни ёқилғиси одамлар ва тошлар бўлмиш дўзахдан сақлангизки, унда дағал ва қаттиққўл, Аллоҳ буюрган нарсага итоатсизлик қилмайдиган, факат буюрилган ишни қиласидиган фаришталар (**хизмат қилурлар**)” (Тахрим сураси 6-оят).

Демак, ҳар бир эр мусулмон киши билиши керак бўлган зарурий маълумотларни аёлига ўргатиши зарур бўлади. Ҳеч бўлмаганда масжид ва бошқа жойлардаги насиҳат ва марузаларни яхши тинглаб, аёли ва фарзандларига етказиши керак.

8. Эр хотинининг хусусиятлари ва ўрталаридағи алоқалари ҳақида оғиз очмаслиги ҳамда одамлар ўртасида ёймаслиги керак. Аллоҳ таоло Қуръони каримда шундай деган:

هُنَّ لِيَاسٌ لَكُمْ وَأَنْتُمْ لِيَاسٌ لَهُنَّ

яъни: “...Улар сизлар учун либос, сизлар улар учун либосдирсиз...”, (Бақара сураси, 187-оят). Уламолар ушбу ояти кариманинг тафсирларида “либос” сўзига турлича маънолар берганлар. Баъзилар эр хотин бир-бирининг айбу нуқсонини либос каби яширади, десалар, бошқа бирлари эр хотин бир-бириларни фаҳш ва зинодан сақлайдилар, деган маъноларни берганлар.

Расулуллоҳ саллаллоҳу алайҳи ва саллам бу ҳақда шундай деганлар:

إِنَّ مِنْ أَشَرِ النَّاسِ عِنْدَ اللَّهِ مَنْزِلَةً يَوْمَ الْقِيَامَةِ الَّرَجُلُ يُفْضِيُ إِلَى امْرَأَتِهِ وَتُفْضِيُ إِلَيْهِ مُمِينَشُ سَرَّهَا

яъни: “**Киёмат куни Аллоҳнинг даргоҳида энг ёмон мақомда бўладиган одам, ўзи ёки хотинининг ташаббуси билан жинсий алоқа қилган ва хотинининг сирларини ошкора қилган эркакдир**” (Имом Муслим ривояти).

Хотиннинг зиммасидаги баъзи мажбуриятлар:

1. Аёл киши эрига итоаткор бўлиши. Аёл киши гуноҳ бўлмаган барча ишда эрига итоат қилиши лозим. Аёлнинг эрига итоат қилиши нақадар буюк фазилат ва баҳт эканлиги ҳақида Набий саллаллоҳу алайҳи васаллам шундай марҳамат қиласидилар:

إِذَا صَلَّتِ الْمَرْأَةُ حَمْسَهَا، وَصَامَتْ شَهْرَهَا، وَحَفِظَتْ فَرْجَهَا، وَأَطَاعَتْ زَوْجَهَا، قِيلَ لَهَا: أَذْخُلِي الْجَنَّةَ مِنْ أَيِّ بَابٍ شِئْتَ.

яъни: “**Аёл беши вақт намозини ўқиса, (йилда) бир ой (фарз) рўзасини тутса, ўз фаржини ҳаромдан сақласа ва эрига итоат қилса, унга жаннатнинг истаган эшигидан кир!**”, – дейилади” (Имом Табароний ривояти).

2. Аёл киши факат эрининг розилиги билангина кўчага чиқиши.
Чунки, мантиқан ўйлаб қаралса ҳам, уй аёл кишининг фитрати ва табиатига мос бўлган фаолият майдони ҳисобланади. Эркак киши кўчадаги ишлар, пул топиш, рўзғор тебратиш учун масъул экан, ўз-ўзидан болаларни парваришилаш, уларни уй ичида едириб-ичириб ўтиришга, кийим-кечакларни юваб, дазмоллашга вақти бўлмайди. Бу табиатан аёл кишининг фитрий вазифалари дандир. Аллоҳ таоло Куръони каримда аёлларга хитобан:

وَقَرْنَ فِي بُيُوتِكُنَّ ...

яъни, “**Ўз уйларингизда қарор топингиз...!**” деган (Ахзоб сураси, 33-оят).

Набий саллаллоху алайҳи васаллам шундай марҳамат қиласидилар:

”حُقُّ الزَّوْجِ عَلَيْ رُزْوَجَتِهِ أَلَا تَخْرُجَ مِنْ بَيْتِهِ إِلَّا يَأْذِنُهُ، فَإِنْ فَعَلَتْ لَعْنَاهَا اللَّهُ حَتَّى تَتُوبَ أَوْ تَرْجِعَ“

яъни: “Эрнинг хотини устидаги ҳаққи аёлнинг эр руҳсатисиз уйдан чиқмаслигиdir. Агар шундай қилса, (яъни, эр изнисиз кўчага чиқиб кетса) то тавба қилгунча ёки уйга қайтгунча Аллоҳ ундаи аёлни лаънатлайди” (Имом Байҳақий ва Имом Таёлисий ривоятлари). Албатта, бу зикр қилинган оят ва хадислар аёл кишининг умуман кўчага чиқиши мумкин эмаслигини англатмайди. Балки, бу – уйнинг ишларини зое қилган ҳолда бесабаб, эрига айтмасдан кўчага чиқиб кетавериш, саёқ юрадиган бўлиб қолиш каби салбий ҳолатларга тааллуқли. Ҳолбуки, эрига айтиб ўз эҳтиёжи учун кўчага чиқиш, ота-онасини кўриб келиш ва ҳоказолар, албатта, шариатимизда мумкин бўлган ишдир.

Абулқосим Фирдавсий “Шоҳнома” асарида шундай деганлар:

زَنَانْ رَا هَمِينْ بَسْ بُودْ يِكْ هُنْزْ نِشِينْنَدْ و زَايِنْدْ شِيرَانْ نَرْ

яъни: Аслида аёлларнинг энг катта ҳунарлари

Үйда турган ҳолда етук углонларни дунёга келтиришидир.

3. Хотин эрининг ҳаққини ўз ҳаққидан ва ҳамма яқинларининг ҳаққидан ҳам устун қўйиши керак. Чунки зиммасидаги эрининг ҳаққи жуда каттадир. Бу борада Расулуллоҳ саллаллоҳу алайҳи вассаллам шундай марҳамат қилдилар:

لَا يَحْلُّ لِامْرَأَةٍ أَنْ تَصُومَ وَزَوْجُهَا شَاهِدٌ إِلَّا بِإِذْنِهِ وَلَا تَأْذَنَ فِي بَيْتِهِ إِلَّا بِإِذْنِهِ

яни: “Аёл киши эри борида, унинг изнисиз рўза тутшии ва унинг изнисиз уйига бирони киритиши ҳалол бўлмайди” (Имом Бухорий ва Имом Муслим ривоятлари).

4. Эри түшакка чақырғанда, унга тұсқинлик қилмаслиги. Бұ хакда Пайғамбаримиз саллаллоҳу алайҳи васаллам шундай деганлар:

إذا دعا الرجل روجنه لحاجته فلئاته، وإن كانت على التّنور (رواية الإمام الترمذى والإمام النسائى).

яни: “Қачон эр хотинини ҳожати учун чақирса, у гарчи тандир олдида турған бўлса ҳам дарҳол келсин” (Имом Термизий ва Имом Насаий ривоятлари).

Анвалги вақтларда тандир олдида нон ёпиб туриш энг нозик ва зарур ишлардан бўлган. Аёл киши нима бўлса ҳам ёпаётган нонини ташлаб кета олмаган. Аммо, шундай бўлса ҳам эри уни ўз ҳожатига чакирса, аёл киши эрининг чақириғига жавоб берсин, деб таъкидланмоқда. Демак, аёл киши эри

хоҳлаган вақтда, шаръий узр бўлмаса, унинг эҳтиёжини қондириши керак. Шаръий узр дейилганда, фарз рўза тутган, ҳайз ёки нифос кўрган ҳолатлар кўзда тутилади.

5. Хотин киши Аллоҳ таоло эрига берган насибага рози бўлиши ва унга инжиқлик қилмаслиги керак. Аёл киши эри топган нарсага шуқр қилиб, қаноат либосини кийиб, эрининг ризқ топишдаги мاشаққатларини қадрлаши, ҳаром касбга ўтишидан қўрқиб, ундан ҳожатдан ортигини талаб қилмаслиги даркор. Балки, эрини ҳам қаноатга ундан, ҳаром йўллардан огоҳлантириши зарур. Момоларимиз эрларини кузатаётуб, шундай деган эканлар: “Ҳаром касбдан сақланинг! Биз очлик ва қийинчиликка чидаймиз, аммо дўзах оловига чидай олмаймиз”. Афсуски, баъзи аёллар бошқа эрни ўз хотинига сарфлаган нарсаларини мисол қилиб, эрларидан худди шундай таъминот талаб қиласидар. Ҳолбуки, дунёвий соҳада инсон ўзидан юқоридагига эмас, ўзидан пастроқдагиларга қарashi айни ҳикматдир. Ана шунда инсон ўзининг қанчалар қўп неъмат ичидаги эканлигини ҳис қилиб, шуқр қилишни бошлайди. Шу маънода Набий саллаллоҳу алайҳи васаллам бундай марҳамат қилганлар:

“أَنْظُرُوا إِلَى مَنْ هُوَ دُونُكُمْ وَلَا تَنْظُرُوا إِلَى مَنْ هُوَ فَوْقُكُمْ، فَإِنَّهُ أَجَدُرُ أَنْ لَا تَنْزَرُوا بِعْمَةَ اللَّهِ عَلَيْكُمْ”

(رواه الإمام مسلم والإمام ابن ماجة).

яъни: “Ўзингиздан пастдагиларга қаранг, ўзингиздан юқоридагиларга қараманг! Зоро, шу иши (яъни ўзингиздан пастдагиларга қарашингиз) Аллоҳнинг сизларга берган неъматини камситмаслигинизга ундаиди” (Имом Муслим ва Имом Ибн Можа ривоятлари).

5. Хотин гўзаллиги билан эрига фаҳрланмаслиги, эри хунук бўлса, ёмон қўрмаслиги, агар бой бўлса, эри олдида моли билан ғуурланмаслиги керак. Балки эр томонини риоясини қилиши, уни ҳурмат ва қадрлаши лозим. Набий саллаллоҳу алайҳи васаллам шундай дедилар:

لا تُؤْذِي امْرَأَةً زَوْجَهَا فِي الدُّنْيَا إِلَّا قَاتَلْتُ زَوْجَتَهُ مِنَ الْحُورِ الْعَيْنِ: لَا تُؤْذِيْهِ قَاتَلَكِ اللَّهُ فِيمَا هُوَ عِنْدِكِ دَخِيلٌ

يُوشِكُ أَنْ يُفَارِقَكِ إِلَيْنَا (رواه الإمام الترمذи).

яъни: “Қай бир хотин бу дунёда эрига озор берса, албатта, унинг хури ийндан бўлган хотини “Аллоҳ ҳалок қилгур, унга озор берма! У сенинг олдингда вақтинчалик меҳмон бўлиб турибди, холос. Яқинда сени тарк этиб, бизнинг олдимиизга келади”, – деба хитоб қиласиди (Имом Термизий ривояти).

Хулоса қиласидаги бўлсак, эр – оиланинг раҳбари. Агар аёл эрнинг итоатида бўлса, фарзандлар ҳам отага итоат қиласидаги бўлади. Оқибатда оиласада дўстлик, ахиллик, муҳаббат ҳукм суради, оила мустаҳкамланади, қутбаракали бўлади. Аёлнинг эрига итоатсизлиги эса оиланинг бузилишига ва бошқа кўплаб нохушликларга сабаб бўлади. Ушбу ҳақиқатни ҳар бир мусулмон оиланинг аъзолари яхшилаб тушуниб олиши керак.

Муҳтарам жамоат! Мавъизамиз давомида талоқ ҳақида суҳбатлашамиз. Чунки ҳозирги кунда баъзи эркаклар билиб-билмай, арзимаган оилавий можаро сабабли ўз жуфти ҳалолига “талоқ” лафзини ишлатиб қўймоқдалар. Баъзилари эса талоқ бериш ҳуқуқини сұйистеъмол қилиб, ҳа деганда аёlinи қўрқитиш

ёки ўзига бўйсундириш мақсадида бу сўздан фойдаланадилар. Бу билан бир оиланинг пароканда бўлиши, болаларнинг ҳар ерда сарсон бўлишига сабабчи бўладилар. Ўзини ҳам, талоқ қилган хотинини ҳам шайтон ва нафс васвасаларига дучор қиласидилар ҳамда гуноҳ йўлларга кириб кетиш эҳтимоли катта бўлади. Ҳолбуки, “талоқ” лафзи айтилганда шаръий никоҳ бекор бўлиб, эр-хотин бир-бирига ҳаром бўлиб қолади. Сабабсиз талоқ қилиш Аллоҳ таолога хуш келмайдиган иш бўлиб, у охирги чора сифатида жорий қилингандир. Пайғамбар алайҳиссалом марҳамат қилганлар:

أَبْغَضُ الْحَلَالَ إِلَى اللَّهِ الطَّلَاقُ (رواه الإمام أبو داود والإمام ابن ماجه).

яъни: “Ҳалол нарсалар ичida Аллоҳга энг ёқимсизи талоқдир” (Имом Абу Довуд ва Имом Ибн Можа ривояти).

Баъзи эркаклар талоқ масаласига бепарво бўлиб, аёлига талоқ сўзини кўп айтсада бунга парво қилмай ўзаро оилавий муносабатларда давом этавериш ҳоллари ҳам учраб туради. Уларнинг бу ишлари катта гуноҳдир. Ҳар биримиз бунинг хатари ва оқибатидан огоҳ бўлишимиз лозим. Талоқни эрмак қилиш, бўлар-бўлмас сабаблар билан хотинни талоқ қилавериш жуда катта кулфатларга, оилавий баҳтсизликларга сабаб бўлишини унутмаслигимиз зарур.

Минг афсуслар бўлсинки, талоқнинг келиб чиқишига кўп ҳолларда талоқнинг олдини олиши керак бўлган шахслар – ота-оналар сабабчи бўлиб қолишаётни. Шуни яхши билиш лозимки, ота-она фарзандини аёлига талоғини беришга мажбурлашга ҳаққи йўқ. Аксинча, ёши катталар ёшларни сабр ва шукрга чақириб, оилани сақлаб қолишга тарғиб қилишлари керак. Соҳа мутахассислари ва статистик маълумотларга қўра, оиласини сақлаб қолиш айни муддаодир.

Демак, бандани рози қиласман деб, Аллоҳ таолони норози қиласидиган нарсани қилиб бўлмайди. Ҳар бир мусулмон фарзанд ота-онасини рози қилиш учун барча яхшиликларини қилиши шарт. Аммо ота-онаси хоҳламай қолган, лекин рисоладагидек аёлни талоғини бериш мумкин эмас. Балки уларнинг ўртасини ислоҳ қилиб, адолат билан иш тутиб, оиласини сақлаб қолиш айни муддаодир.

Аллоҳ таоло юртимизни тинч, осмонимизни мусаффо, халқимизни фаровон қилиб, барчамизга шариатимиз кўрсатмаларига мукаммал амал қилиш баҳтини насиб айласин. Омин!

Мухтарам имом-домла! Келгуси жума маъruzаси “ИЖТИМОЙ ОДОБЛАР” мавзусида бўлади. Жамоатга эълон қилишингизни сўраймиз.